

德壯果公年譜

德壯果公年譜卷二十四

次孫花沙納恭纂

嘉慶八年癸亥

二月初六日

諭曰陝境業將肅清惟川省餘賊尚在輒轉奔竄本日據勒保奏稱由陝竄至太平零匪一百餘人其大甯邊界零匪計三百餘人自係由楚竄入川境之賊勒保現移師夔府一帶督勦大兵雲集想殘敗餘匪無難就地殲除額爾登保應飭催各路將領併力會辦其抗拒官兵者自當痛加剿戮如有畏罪投出者仍應量爲收撫務於前二月內一律廓清俟三省善後搜捕事宜

辦理完竣額爾登保德楞泰與勒保三人聯銜用六百里馳報
德楞泰並將自軍營起程日期附報奏聞朕卽據以宣示中外
但必須川陝楚三省邊界零匪實係掃除淨盡方可馳遞此摺
總之大局業經戡定其搜捕一節固當迅速亦勿稍存草率至
山西面零匪本日據惠齡奏尙有百餘人應移咨該督并轉
飭楊芳等上緊辦竣毋任遲緩

十二日

公奏言竊臣於正月十九日蘇崇阿回京復

命臣與額爾登保跪請

聖安後額爾登保仍在陝境搜捕臣卽督兵回至川境與富僧德

等會合東行據副都統色爾滾總兵馬瑜稟報前在雲陽屬黃柏溝勦賊零匪數十人四散分逃復分派兵勇在大陽河等處搜獲三名殺斃四名又趕至蒿枝壩等處殺斃十餘名生擒十八名此起零匪勦除殆盡又據副都統達勒精阿武隆阿稟稱在通江屬之漁尖壩搜獲逃散零匪五名又據遊擊陳弼報稱探得雲陽之沙沱子一帶有零匪百餘人當卽帶兵勦捕生擒王國賢之胞姪僞先鋒王朝富僞先鋒陳道隆李思才等三名夥匪龍先桃趙張氏等男婦三十名口殺斃僞先鋒侯覺元一名及賊匪二十三名獲犯已就近解交開縣研訊其陝省南山竄過南岸

二百餘人接額爾登保來信連日被各路官兵截勦已由
亮埢子翻山入川現在督率各路官兵搜補扼截查宋應
伏一股賊匪百餘人竄往南江廣元一帶亦有提督穆克
登布副都統武隆阿副都統銜達斯呼爾岱總兵達自祥
副將羅聲皋臬司劉清等各路兵勇搜捕卽日亦可掃除
惟現據哨探田朝貴所追之賊湊合山內各零匪三百餘
人又有苟朝九一股餘匪一百餘人竄至大甯之紅池壩
核桃壩一帶有出寶塔之勢臣聞報卽飛行知會提督豐
紳總兵張績協力截勦并札飭色爾滾馬瑜卽由開縣取
道雲陽奉節前往截其東竄之路與豐紳等兩面夾擊臣

亦卽由官渡灣白沙河前赴開縣雲陽督同趕辦此外又探得開縣山內濛濛溪一帶有零匪百餘人於出山後向東鄉之南霸場南逃臣已飛調遊擊羅思舉帶領兵勇迎頭截剿計日可以翦除

諭曰連日正盼德楞泰奏報本日蘇崇阿回京復命朕面詢軍務情形據稱川陝零匪總計不過千人極形窮蹙等語適遞到現在督兵東顧各情形一摺朕披閱摺內所稱各路零匪合計不過千名似較前次奏報之數稍有增多其田朝貴一路搜捕之賊前據勒保奏到係由陝西南山竄入太平城口老林共祇一百餘人今德楞泰摺內稱田朝貴所追之賊湊合山內零匪三

百餘人又有苟朝九一股餘匪一百餘人會合是此起餘匪共
有四百餘人是否卽係與大甯邊界由楚竄入之三百餘人湊
合故有此數其開縣山內濛濛溪一帶零匪前次勒保等摺內
均未提及又係何股餘匪是否卽係楚省竄賊均未聲敘明晰
此時川省腹地業已肅清所有各起零匪多在川東境內現在
德楞泰前赴雲陽開縣自西而東勒保又已移師夔府一帶自
東而西正可兩面夾擊德楞泰惟當督飭鎮將等趕緊排搜務
於前二月內將川東餘匪一律勦除淨盡俾地方永臻甯謐

同日公又奏言竊臣之子蘇崇阿奉

命齎送

恩賞各件來營

臣

當與額爾登保跪請

聖躬萬安免冠叩謝

天恩各繕清摺具奏外嗣

臣

回至營帳蘇崇阿復又另傳

恩旨

溫諭纏縣並仰

聖德如天於數千里之外幾微無不

洞燭

臣

跪聆之下感深涕零悚惶無地伏念

臣

蒙古世僕至微極

陋蒙

恩豢養造就游歷陞階自教匪滋事以來雖轉戰於陝甘川楚之間不過竭盡犬馬報

惠士良公臣普卷二十四

主之心私衷惴惴常以未能迅速告嚴上慰

慈塵卽去臘之大功底定皆秉承

廟謨隨時指示臣等得以仰仗

天威故能將士用命共奏膚功乃蒙

睿照

鴻慈不但寬以遷延之咎復荷

策勵矜全

溫綸備至

臣從戎八載茲蘇崇阿齋賞來營藉得父子歡聚實爲

夢想所不到此皆我

皇上格外垂慈無微不至且恭閱邸抄臣胞弟德成額又蒙

恩簡補江西九江鎮總兵是臣一門父子兄弟無不均荷
陶成爲人臣罕覲之遭逢實

聖主無邊之

寵眷自顧何修蒙

恩若此不但臣捐糜頂踵難以酬報卽生生世世亦無以仰答

高厚除寄信德成額屬其實心實力整頓營伍並囑蘇崇阿勤慎

當差操練弓馬外竊維臣駕駘庸劣受

恩深重時懼愆尤恐負

覆載生成永淵競惕夙夜悚惶現在惟有上緊將餘孽搜捕淨盡

俟辦理完竣與額爾登保會商具奏肅清後臣卽遵

旨入京瞻覲

天顏叩謝

聖訓稍伸依戀微忱

十五日

諭曰昨據德楞泰奏稱田朝貴所追之賊湊合山內各零匪三百餘人又有苟朝九一起餘匪一百餘人會合已降旨諭令額爾登保德楞泰勒保查明具奏矣本日據勒保奏川省腹地如奉節雲陽開萬忠梁各州縣節次經官兵搜捕多有斬獲零匪以次肅清其川楚邊境田朝貴所追之苟朝九一起仍不過一二百人由太平城口向後坪黃墩一帶奔逃又曾芝秀王國賢餘

匪二百餘人竄入八臺山經官兵轟擊亦思奔竄後坪田朝貴現在緊躡追勦至前由湖北房縣竄來之不知姓名賊匪二三百人經豐紳張續等兩路迎擊該匪探知大甯巫山邊界均有官兵未敢深入卽折回楚境現在巴東房縣老林潛匿等語是昨日德楞泰所奏田朝貴所追之賊湊合各零匪三百餘人似非山內另起竄出之賊或卽係大甯邊界仍折回楚省之三百餘人一起均未可定現在勒保駐紮夔府如大甯邊界果添出另起賊匪地方官豈不稟報總督是勒保所奏尙屬可信該處旣有此數起零匪無論自何處竄至總當督飭將領上緊搜除此時德楞泰由太平自西而東勒保自東而西正可會合務將

該匪等迅速殄平先行肅清川境至大甯邊界賊匪三百餘人
仍折竄入楚亦當不分畛域卽派鎮將隨賊所向緊躡窮追昨
冬大功業經告竣所有三省未淨餘匪務須一律殄除德楞泰
係成都將軍勒保係四川總督凡地方搜捕善後事宜尤其專
責非經略額爾登保可比川省零匪一日不淨伊等一日不能
卸責卽楚省餘匪一日不淨亦難保其不仍竄入川德楞泰將
川境餘孽悉數蕩平彼時楚匪如尙未淨盡卽當移師幫同慶
成等協力搜捕以期三省全行竣事至川陝楚三省零匪統計
約有千人伊等節次奏報各路搜捕餘匪俱有斬獲而賊數總
未見少可見前奏未盡確實嗣後每次奏到軍務情形均須細

核賊數除殲擒若干名外實在尙牴若干免致牽混如境內深山老林藏匿之賊復行竄出不妨於摺內據實聲明不必稍存諱飾卽如現獲王三槐之弟王三魁樊人傑之弟樊人貴該二犯久未露名今忽又竄出恐似此者尙復不少此等賊目有一二未經殄淨其零夥必仍思潛往竄合總當悉數殲除勿留餘孽儻其中有自知悔罪棄械投誠卽果係頭目亦不妨予以生全寬其一死俾賊衆聞知相率來投更易嚴事

二十日

公奏言竊臣督兵向溫湯并前進沿途派兵搜捕適據副都統色爾滾總兵馬瑜稟報帶同副將馬應國參將馬文

斌遊擊楊登魁等由奉節之平皋一帶搜捕遇見零匪一起殲斃十一名生擒王三槐之堂弟王三魁及夥匪許忠第等共二十八名又據總兵田朝貴稟報連日帶兵追賊進至大平山內探知各號零匪先後合夥約三百餘人屯於寒溪河率領將備進擊斃賊三名生擒羅士俸等二十二名餘匪敗向濛濛溪柳家壩東奔官兵追至太平大甯開縣三交界之仰天窩等處又殲斃賊匪八名生擒十六名現在該逆東竄大甯之後坪一帶仍卽躡蹤追剿又接提督豐紳信稱派令遊擊晉之連在大甯搜捕探得香桂村地方藏有零匪官兵趕至萬古寺殺賊十餘名生擒一

名又跟追至石祿坪殺斃僞先鋒陳君賜及匪黨二十一
名生擒五名又守備高星文等派往小坪溪搜捕該處有
零匪五十餘人趕至楊柳池殺斃賊匪十六名生擒十四
名又據副都統銜富登阿副將王兆夢等稟報跟追過江
賊匪遊擊胡定泰在九龍寨截殺殲斃十餘名生擒七名
該逆有東趨大甯之勢臣查各路所追之賊均屬零星殘
孽總以老山奔竄爲藏身之窟已隨時飭令各路竭力勦
除惟查太平大甯山內富登阿王兆夢與田朝貴等所追
賊匪竄蹤相距不遠頃接額爾登保來信又飭令副都統
格布舍副將張琰等帶兵由陝楚邊界入川已至黃墩高

觀寺一帶賽沖阿亦在陝境北面之洋圈河防堵楊遇春
又督兵在盤香河等處攔勦總兵劉瑞在大竹河堵截是
西北兩面已有數路兵力堵勦該匪斷不能折陝但查東
面大甯之湯家壩桐油壩東南面之新田壩加當灣兩路
與楚界毗連路徑紛歧該匪業有東奔之勢臣隨卽知會
豐紳帶兵由湯家壩桐油壩自東向西進勦並飛飭色爾
滾馬瑜就近由核桃壩紅池壩進山取道加當灣新田壩
截其東面均可與追兵前後夾擊至遊擊陳弼等於官勝
寨打仗後所賸餘匪八九十人亦由開縣之謝家尖山壩
進山東走該遊擊已跟蹤前追是山外零匪盡聚山內臣

現又分派富僧德蒲尙佐副將馬元等帶兵由雲陽取道奉節之寶塔一帶前進確探山內賊蹤隨時截剿又頃據大甯文武稟報川楚界上羊頭地方有由房縣陰條嶺竄來賊匪三百餘名知總兵張績等帶兵前往追剿又折回原路東奔等情查該處邊界一帶巴東房縣均係老山箐林而總兵吉林泰李天林原在彼分段堵禦臣已飛飭吉林泰由巴東之火峰界嶺一帶自東北向西南轟擊總以逼賊入川爲要並函致吳熊光嚴飭該鎮等遵照辦理一面飭知在巫山一帶防堵之張績如該匪西來竟當任其深入

珠批甚是

後再爲尾擊不可仍逼入楚再查陝省南山之賊已有兩
起先後往南竄渡俱被陝境各路官兵追剿入川刻下南
山內所賸零匪祇有百餘人不日即可掃淨其竄回房縣
陰條嶺之賊雖據報有三百餘人究係敗殘游魂如該總
兵等竭力逼剿過川則是陝楚兩省先可肅清而各股零
匪均聚川東一帶山內額爾登保現在緊顧西北臣與勒
保由東南截剿正可聚而殲旃也臣現在擬卽馳赴寶塔

趕緊勦辦

諭曰現在各起零匪惟田朝貴所剿一起及由楚省房縣竄川復
行折回一起均有三百餘人爲數較多前因德楞泰奏報田朝

貴所追之賊湊合山內各零匪有三百餘人與勒保前奏由楚竄至大甯邊界之三百餘人數適相符合意謂卽係一起是以吳熊光奏到此起零匪自川折回興山當經諭令德楞泰查明或卽帶兵入楚或派鎮將先行赴楚協勦昨據額爾登保奏到其自川折回者竟屬另起今閱本日摺內所敘更爲明晰此時田朝貴所勦一起已東竄大甯一帶德楞泰正督兵東進當先將此起餘匪趕緊辦淨其折回楚省一起德楞泰遵照前旨先派一二得力鎮將帶兵赴楚協同楚省鎮將奮力搜擒德楞泰俟辦完大甯一起餘匪後如楚省一起尙未淨盡德楞泰仍當帶兵入楚就地搜除或該匪又復入川則如德楞泰所奏竟當任

其深入再爲尾擊此等餘匪無論在楚入川總當不分畛域一律搜捕完竣勿致草率了事此時各處山林內或尙有餘匪竄出德楞泰當據實奏明上緊逼擊不可稍有回護粉飾

二十三日

諭日本曰據吳熊光奏稱巴東二塘埡地方突有自川竄至零匪一起冒爲探勇約有六七百人經官兵兜擊總兵李天林等猝受矛傷現飭孫應奉等由東相機扼截川省官兵業已追勦來楚正可兩面夾攻等語此起賊匪詭詐異常人數較衆多係四川聲口並有戴紅緯頂帽者其所執之旗與向日川省鄉勇旗號無異不似賊匪模樣看來並非新起之賊竟似鄉勇乘機作

亂較賊匪尤爲可惡此等鄉勇朕早經慮及伊等不能安分守法節經降旨飭令各地方官妥爲安插今果不出朕所料試思殘匪窮蹙已久豈能衣帽齊全且近日零匪遇見官兵卽行逃竄從不敢上前攻撲若果係真賊李天林等豈竟不能辨識此時旣在楚滋擾無論其從前隨營打仗得有軍功頂戴與否均當卽以賊論嚴行勦辦至該匪等是否卽係隨營鄉勇猝滋事端抑或地方官散遣時竟將應給伊等回家路費任意扣留以致激變抑係散歸後復行屯集均著詳細查明究係何處糾結鄉勇據實參奏不可掩飾現在楚省帶兵之員祇有孫應奉一人在歸巴一路攔截吉林泰呢瑪善等均在房保境內防堵慶

溥雖經吳熊光檄調會同協勦尙未來至房縣該處勦捕情形
正關緊要若專恃孫應奉一人恐難得手德楞泰接奉此旨卽
著飛行帶領大兵馳往巴東一帶迎頭探擊不可稍存輕視務
期將此起賊匪悉數殲盡勿得任其肆行猖獗其大甯太平等
處未淨餘匪卽著勒保督飭豐紳張績田朝貴等上緊勦除亦
不可再有遲延至隨征官兵節據奏報撤回歸伍者不少此時
川楚邊界尙未能一律肅清自應酌留兵丁併力勦捕如官兵
內有甫經裁撤起行計程相去不遠者仍著飛調回營聽候撥
用儻正在擬撤而尙未起行者竟當卽行停止總在德楞泰等
相度機宜妥爲籌辦

二十五日

公偕勒保奏言

臣等十四日在寶塔地方會合探得太平

山內苟朝九一起賊匪前由陝省南山潛合曾芝秀王國

賢股內餘匪仍分兩起一起百餘人向白水洞一路遁走

一起二百餘人向明通井一路遁走

臣等派令副都統色

爾滾總兵馬瑜取道入山協同田朝貴勦辦茲據報十二

日副將馬應國帶兵往搜至蜈蚣嶺老林內殺斃賊五名

生擒顏必鐸陳郭氏等八名口又探得偏巖子有賊七八

十人分竄色爾滾馬瑜等親帶兵勇往剿殺斃七人生擒

龔文榜等十三名餘匪向老林藏匿又前次探報陝省南

山續竄出零匪一起有入川之勢近據探報副都統格布
舍追勦賊匪二百餘人在平利大小渝河接仗斬獲數十
名餘匪分竄大甯所屬之百里荒新田壩等處似卽係南
山竄出第二起之賊又臣德楞泰接經略額爾登保信稱

陝省南山內又轟出賊匪三四十人竄過漢江南岸洋溪
河是陝省餘匪均已逼勦入川臣等復飛札副將羅聲皋

一路官兵向前河一帶迎探截勦至官兵在川北川東各

州縣搜捕零匪現據陸續稟報副都統銜達斯呼爾岱副

將羅聲皋在南江廣元界三家壩搜獲賊匪二十四名參

將唐際盛等在蘇家坡搜山斃賊二名生擒二名遊擊夏

雲龍在黃柏廠地方斃賊三名搜獲一名遊擊張拱辰等
在向家壩濫泥子一帶搜獲零匪五名殺賊四名均係川
北地方此時已無賊匪又都司趙琴在梁山所屬謝家壩
一帶搜捕殺賊三名生擒四名守備謝金章等在奉雲交
界大埡地方斃賊一名生擒三名又武隆阿達自祥在貓
兒洞將零匪六人盡行殺斃臣等伏查川陝未淨餘匪此
時俱在太平大甯沿邊一帶山內豐紳張績兩路官兵扼
住其竄楚之路賽沖阿在平利交界防勦格布舍在陝西
茅壩一路跟追賊匪不能折竄楚陝色爾滾馬瑜等又已
帶兵入山臣德楞泰由紅池壩一路繼進督辦復調羅聲

皋一路官兵由黃鐘堡取道迎截

臣

勒保亦取道東鄉三

河前往策應計此數路官兵併力勦辦自可剋日掃除再

據四川辦理團練各員稟稱近日有逃散賊夥蒲文周仕

祿等九名赴縣投首均卽遵照

恩旨免其治罪發交原籍地方取保安插

臣

等現又刻簡明告示

四路分貼但能多散一人即可少殺一人以冀仰副

聖主好生之德

同日公偕勒保又奏言臣等查奉節巫山大甯三處有各

營寄留病傷調養雲貴二省弁兵共三百八十四員名均

應陸續裁撤查有貴州思南營遊擊程元龍雲南武定營

守備陳廷標貴州臺拱營守備黃金榜三員現在俱應遣回原營所有雲貴二省撤回弁兵卽交陳廷標等管帶仍飭程元龍統領以資彈壓至奉節巫山大甯所存防勇一千名有零臣等已飭該縣於二月內全數裁撤此項鄉勇均係本地有業可歸之人卽交地方官妥爲遣散各令歸業其隨征鄉勇籍隸本省者臣勒保業經查明願歸農造冊存案俟零匪全清再行分別辦理此外尙有籍隸貴州之勇理應先行裁撤卽照經略所定陝西裁撤隔省鄉勇之例每名賞銀三兩軍功頭人賞銀四兩現有應行遣回之參將褚大榮本係黔省營員卽令將此項鄉勇照料

得失身公言卷二十一

回籍再昨奉

諭旨飭令將由京派來之侍衛章京先行陸續遣回臣等遵查現在師行雲奉一路有黑龍江額外總管富僧額二等侍衛明喜等以及東三省官兵共七十八員名已繕給文牌卽令富僧額明喜管帶在夔州登舟由水路至湖北起旱從河南直隸取道約計三月可以過京除造冊咨部外謹開具清單恭呈

御覽

諭曰昨因吳熊光奏巴東二塘埢地方突有自川竄至零匪一起當經諭令德楞泰飛速帶兵馳往探擊德楞泰接奉前旨自己

帶兵起身著卽迅速馳抵巴東將此起賊匪趕緊殲盡不可稍有遲緩至另片奏稱奉節巫山大甯尙存防勇一千名有零已於二月內全數裁撤此千餘人安得盡有生業或地方官將伊等路費扣留短發激之生變或裁撤後無業可歸復行屯聚竄楚滋事看來巴東一起賊匪竟係奉節等縣所撒鄉勇亦未可定按其地段人數時日均適符合著德楞泰勒保詳細密查此起竄匪是否卽係奉節等縣鄉勇其爲首者係屬何人如果係此起鄉勇卽應查明經理散遣時係何員承辦有無侵扣激變之處據寶參奏勿稍諱飾再另片奏撤旋東三省官兵七十餘員名一節此時楚省零匪未淨尙資兵力東三省官兵素稱趨

勇自應暫緩裁撤計此時不過甫經起程尚在川境德楞泰卽可檄令隨同赴楚如已行抵湖北業降旨吳熊光令其就近截留俟德楞泰到楚後再交帶領德楞泰一抵巴東卽將勦擊該匪情形馳奏以慰塵注

二十七日

諭曰據吳熊光奏到二塘埢等處賊匪節經官兵痛剿餘匪由歸州地方向西折竄並據獲賊供稱該匪等前在大甯巫山等處山內藏匿近與雲奉一帶股匪會合因四川官兵俱到川東是以逃往湖北現在尙有矛手四百餘人等語此股賊匪仍係川省零星散竄之賊與鄉勇無涉惟賊匪尙有四百餘人且狡詐

百出而現在楚省興房等處尙有陳姓股匪三百餘人往來折竄計兩處竄匪統計尙有七百餘人此時楚省帶兵大員未能得力德楞泰仍當遵照前旨迅速赴楚與額爾登保派出鎮將南北夾擊能卽於楚境辦淨固屬甚善否亦將該匪逼回川境一面知會勒保帶兵圍剿以期迅速掃除再額爾登保在陝省邊界督勦零匪旬日未知曾否辦淨亦著一併具奏

閏二月初七日

公奏言竊臣兵次夔州接據副都統銜色爾滾馬瑜稟報所有在大甯剿敗零匪竄入老林與另起零匪合夥共有二百餘人經副將馬元等追至三星廟殺賊七名又據副

都統銜達斯呼爾岱副將羅聲皋稟報探聞黑包山老林有匪十數名入山搜剿殺賊六名生擒八名滾巖一名此起全數掃盡又據總兵田朝貴稟報連日跟追零匪在太平天臺山老林殲斃老教掌櫃田永祿僞先鋒楊勝祖及夥匪十三名生擒賊匪四十七名被擄難民二十一名當卽分別辦理所贗賊匪二百餘人鑽林分逃追至秋木坪接富都統銜富登阿副將王兆夢等知會跟追二次過江苟逆餘匪前來隨分兵合剿兩面夾擊殺斃賊匪十二名生擒十三名又據該鎮稟報守備張應錫軍功苟文耀等在三溪子圍剿零匪殺賊三名活擒十五名同知銜候

補通判劉星渠等在兩蕎灞老林搜殺賊匪一名活擒十

六名此起賊匪並無一名漏網獲犯內訊出僞元帥張順

一犯當有貴州官兵指爲戕害總兵施縉之賊衆兵憤恨

慟哭研訊時直認不諱田朝貴卽設施縉牌位率衆祭奠

嘉

批

硃批

可

是

硃批

可

將張順鬻割以慰忠魂又據遊擊陳弼稟報在開縣之雪

泡山殺賊十二名生擒九名又據副都統銜富登阿遊擊

楊森余陞等稟報在開縣之水田壩殺賊九名擒獲十八

名餘匪有走東鄉之勢查此起零匪卽係馬元等所追之

賊該員業已跟蹤追勦臣查各路所勦零匪狼狽已極無

不鑽林越箐朝東暮西聚則一二百名散則數十名不等

故各路所追之賊忽聚忽散總無一定

臣

均已隨時飭催

無論何起均當遇賊卽勦趕緊嚴事惟

臣

行至開縣據防

堵巫山邊界總兵張績稟報有賊匪一起約五六百人由

湖北巴東屬龍潭河竄向邱家灣一帶有入川之勢當飭

防堵參將傅廷佐不必迎截祇可尾追西來並派遊擊馬

明德帶兵五百名前往策應詎該匪於十七日亥刻率衆

攻撲傅廷佐營卡官兵開礮堵禦斃賊十數名直至黎明

馬明德帶兵趕到賊甫向西奔逃傅廷佐馬明德帶兵追

躡張績帶兵在水口一帶扼截二十一日午刻傅廷佐馬

明德等尾追至奉節之栗子山殺賊十七名生擒黃之斌

等六名又追至土門子突有伏賊衝出馬明德猝中矛傷
陣亡弁兵亦有傷亡者該總兵在水口聞報卽飛往救援
殺賊二十餘名生擒王登貴等十一名賊遂翻山折回東
竄訊據獲犯供此起係青號劉渣鬍子爲首在老林內與
黃白藍各號零星湊合共有六百多人向來總在巴東興
山歸州一帶山內今由界嶺過川卽在巫奉交界之板凳
埡一帶遊奕等情是日又據湖北總兵李天林稟報正月
三十日跟剿劉渣鬍子等夥匪五百餘人在巴東之二塘
埡賊分兩路前後撲營竭力擊退員弁兵勇均有傷亡該
總兵身受矛傷副都統銜總管都當阿副將孫應奉業已

帶兵前來併力跟勦等語查此起賊匪卽係現在張績等

殊批此股最要必應速辦

所勦之賊自應速爲翦除方無餘燼復熾之患

臣當卽取

道通城宵夜趨行向西前進旋又據巫山文武稟報另有

一起賊匪百餘人由巴東之火峰界嶺西來與東折之賊

合夥分爲兩起一走十八溪三溪河一走鴛鴦池琴樂坪

均向東逃已近火峰界嶺等語查該匪等此時東折合併

亦不過七百餘人馬驥數十四其中湊合零匪固多而裏

脅者諒亦不少

臣現卽跟追入楚趕緊勦辦斷不令其深

入

諭曰此次各路鎮將等搜勦餘匪均有斬獲現在川境零匪統計

共祇四五百人德楞泰當飭令鎮將等分投上緊殲捕務盡根
株至摺內所稱張績稟報有賊匪一起約五六百人由湖北巴
東向邱家灣一帶有入川之勢等語此卽前次吳熊光所奏巴
東二塘埢一起竄匪已屢降諭旨令德楞泰帶兵赴楚督勦今
業已督兵東進趕辦所見正與朕旨相合殊堪嘉尙本日據吳
熊光奏到該匪經孫應奉等帶領兵勇追擊該匪遂由羅坪等
處狂奔出境等語楚省兵力較少此次鎮將內祇有孫應奉等
帶兵追擊尙能將該匪轟逼出境可見該匪無他伎倆德楞泰
帶兵一千餘名是兵力幾三倍於賊無難剋日淨盡也至曾芝
秀一犯聞其尙在奔竄該犯係著名首逆必當設法緝拏毋使

漏網爲要再各路官兵此時搜勦餘匪或尙有需調派德楞泰
當酌量留營不必速議撤回

十五日

公奏言竊臣在巫山途次探報賊匪已竄至巴東有走陳
家坡馬寨東奔之勢查陳家坡馬寨等處東走係平陽霸
鎗銳頂與歸州連界向北係老山內之鋸鋸嶺長峰堆子
等處隨飛飭副都統銜都當阿副將孫應奉等帶兵在於
平陽霸鎗銳頂一帶先扼其東竄之路因查巫山之八石
坪路通房縣之陰條嶺大九湖小九湖紅巖一帶老山可
以繞至巴東北面之長峰堆子等處雖林箐深密道路艱

險稍爲修開馬驛尚可行走且可搜捕楚境山內餘孽當卽改道前進現在劉渣鬍子等夥聚之賊探有七百餘人竄相思嶺烏雲頂等處仍係川楚交界老山緣前月二十八日起至今淫雨未止山中積雪未消道路險窄滑澁若大兵一路尾追前進設或旁竄東回或又北避勢所必有是以臣酌派藍翎千總周應龍冉玉龍及新勇軍功等選出各營精壯兵勇二百名帶同屢次投出效力新勇數十名或藍白布包頭或草帽氈帽扮作教匪給與執照令其由相思嶺水洞坪尾躡或與賊匪合夥俟官兵抄截時卽爲珠批好內應或乘夜潛襲痛勦或多燒號火遙爲大兵追勦之

勢總以遏其東折爲要相幾而行仍令逐日專差一人遞報賊情臣督兵取道龍洞河巖屋坪自東北向西旁抄如截逼回川深人雲開山外一帶稍得地勢不過一戰再戰當可掃除

諭曰閩內所敘情節祇係探明逆蹤設法抄擊尙未與賊接仗似此因循日久轉瞬卽交夏令又復藉詞暑雨載途難於搜勦而麥收以後賊匪等又得到處掠食苟延殘喘勢必別滋裏脅聚而益多更復成何事體況此時烏合竄匪原無著名首惡但亦必有起意糾聚之人在內爲首設稍予以暇則匪黨漸多積久又成著名賊首卽如此次吳熊光奏到該匪等在二塘埢滋

事以來已閱兩旬官兵尚在部署進剿而賊內已有劉渣鬍子
楊大刀等爲首名目現又不知裏脅幾何是以德楞泰前奏稱
此起賊匪五百餘人本日摺內已稱有七百餘人可見賊數業
已增多尙恐所報未必盡實不止此數現在各路零匪以此股
爲最多德楞泰布置停當卽當親身帶兵迅速抄擊趕緊剿盡
不可專委之鎮將致有遲滯如此股辦淨卽用六百里馳報以
慰塵懷至吉林泰等追剿之賊約有二三百人此起諒卽係陳
姓爲首前吳熊光奏稱酌調總兵慶溥前往協剿現在該鎮曾
到彼摺內未見提及亦著德楞泰嚴飭該處帶兵之員將保
康境內東竄零匪一律肅清不得再有延緩此時搜捕事宜關

你緊要所有各路征防官兵尙資堵勦不必驟行議撤卽三省
除匪悉數淨盡亦不妨多留數月於險要處所藉資彈壓一切
軍火糧餉均得就地支應亦可供輾轉馱載逐站供運之費至
信思嶺烏雲頂等處爲賊往來奔竄之路德楞泰選出各營精
壯兵勇改裝扮作教匪前往探聽相機內應所見亦是惟摺內
稱現督兵勇取道龍洞河一帶將該匪由東北截逼回川不過
一戰再戰當可掃除等語果能於一兩仗迅速集事固所深願
德楞泰當勉益加勉勿徒以空言鋪敘致稽時日也

二十一日

公奏言

臣移營向龍洞河巖屋坪前進途次接據前派之

藍翎千總周應龍冉玉龍等稟報帶領兵勇假扮教匪由
相思嶺躡蹤西行初六日翻過烏雲頂老林至忠感寺地
方有男婦老幼紛紛逃難詢係忠感寺寨上百姓因賊匪
已將附近之老鴉寨攻破現在寨內並寨外房屋屯紮探
馬已到忠感寺就來破寨周應龍等當卽示以護牌令難
民回寨並進寨代爲保守查明忠感寺寨在賊之南十五
里烏雲頂老林內有小路一條直通賊之東面後山頂燈
盞窩等處臣當令各營將鍋帳什物輕減卽改道由烏雲
頂前進山高二十餘里徑窄箐密橫木滿道至山頂時風
雪交作頃刻凍死夫役二十餘名跌斃馬騾數十匹酉刻

硃批可調

趕抵賊後之蔥坪距賊屯三十餘里中間尙有老林數里所喜雨霧瀰漫該逆毫無知覺四更時派總兵馬瑜副將張應貴參將虎正林遊擊楊森賀廷印徐陞曾壽等帶兵勇由老林小路直至老鴉寨後山頂燈盞窩自上下壓派副都統富僧德副都統銜色爾滾富登阿等帶馬隊由南面溝底抄出賊前兜截臣督率總兵蒲尚佐及副將銜沈洪參將郭文魁遊擊張紹緒劉廷斌慶昌等帶兵勇由高坪大路旁抄緣該處北面盡屬懸巖其西則入川之當陽河連日淫雨溪水泛漲勢難躡過初十日黎明馬瑜等由燈盞窩山頂衝下呐喊攻撲賊衆於睡夢中驚慌潰亂趁

勢搶進勦殺生擒熊富等二十一名殲斃三十餘名其餘

棄寨而逃

臣督率蒲尚佐等自高坪進發兵勇將屯住寨

外房內之賊圍勦賊衆拚死我兵突出槍箭並發殺賊二

十餘名生擒十六名追至下高坪時老鴉寨內賊匪被勦

亦由高坪西奔當陽河兩路官兵趕追沿途又殺賊二十

餘名生擒三十七名賊至河壩又值富僧德色爾滾富登

阿等帶馬隊由溝底衝出截殺生擒四十二名殲斃四五

十名三路官兵旁抄尾擊槍箭如雨河內水勢洶湧無路

可逃賊衆被勦情急皆拚命撲河爲槍箭所傷並被水淹

斃漂沒者不下二百人過河之賊約賸不過二百多人

臣

遂令馬隊擇至下流水勢稍緩處所淌渡復令步隊兵勇拽馬尾蟬聯而過者數百人直追至安石礮地方又斃賊二十餘名生擒七名因雨勢愈大兵馬已趕行兩日一夜當卽查訊劉查鬍子下落據獲賊供稱該逆等帶了一百五六十人翻螞蝗山向巫山八石坪而去臣卽酌派參將

馬文斌等挑出趙健兵勇五百名緊跟追勦隨又派富僧德蒲尙佐等帶馬步兵勇接續前進此內有五六十人奔礬石溪大梁向西北大甯之黃草坪遁逃派遊擊涂陞等帶兵勇四百名卽往追捕此次共計擒獲活賊一百二十名搶獲馬騾七十九匹頭刀矛旗幟甚多獲犯內訊出

僞先鋒熊富一名係熊翠胞兄又臣親見一兵扭抱一賊

滾跌下巖當令查詢旋據額外外委張廷虎繳來花翎紅
頂冬帽一頂首級一顆訊之各獲犯僉稱係黃號僞先鋒

陳大貴又訊熊富供該犯先在徐添德營內充當戰手後
又與樊人傑合營做過總兵這幾年屢次被官兵打散祇
贖了六七十箇人走到巫山三匯鋪地方遇有青號先鋒
劉渣鬍子並黃號的先鋒陳大貴就合營同回湖北要往
房縣竹山一帶探得川兵由陰條嶺大小九湖老山裏抄
出又轉走烏雲頂把老鴉寨破了原想再破幾寨不想官
兵趁大雨大霧裏殺來劉渣鬍子先就跑了我被拏獲這

首級就是黃號先鋒陳大貴的等語除熊富等三名鬪割
外獲犯內訊出王春等四十二名均係戰手老賊一概正
法其餘難民卽照例省釋查此三起零匪合夥共有六七
百人茲已勦除大半所贖餘孽不過三百多人勢已狼狽
現聞該匪於十一日在通城合夥北竄兩路官兵亦已併
合緊躡賊蹤臣現又飛飭豐紳卽當確探迎截又查楚境

如巴東興山房縣竹山竹谿等屬老山內外現在寶已肅
清卽總兵吉林泰東追賊匪二三百名兵力亦厚又有慶
成併力協勦諒亦易於殲除現據大甯縣稟報總兵田朝
貴等迎勦過江之賊在太平大甯山內與各號零匪合夥

共有二三百人初八日已至奉節之鹹水壩一帶有出山

東竄之勢

臣兵既在東當取道大甯一路探蹤迎剿仍可

兼顧富僧德蒲尚佐等所追之賊再查巫山與大甯界連

二百餘里賊匪蹤迹飄忽朝東暮西分防無濟於事不若

隨征剿捕似爲有用現據撤出張績所帶防堵之四川兵

勇七百餘名撥交豐紳管帶入山搜剿其所帶雲貴兵七

百餘名臣調赴來營隨同協剿

諭曰劉渣鬍子一起竄匪在老鴉寨屯蔡德楞泰卽令官兵將鍋
帳什物輕減改道前進於深林密箐中行走雨雪交作各路官
兵俱冒雨涉潦而行始能攻撲賊巢殲擒數十名該匪棄寨奔

逃復經官兵分投追勦殲擒二百餘人賊衆拚命撲河漂沒淹斃又不下二百人所辦甚屬可嘉德楞泰著交部議敘仍賞給白玉吉祥如意牌綠玉帶頭白玉喜字搬指黃辮大小荷包外委孫廷彪生擒僞先鋒陳大貴被該犯拔刀戳傷該外委用手揪扭將該犯殺斃殊爲奮勇著加恩賞戴藍翎茲發去琿鄉翎管十箇磁搬指十箇牙籤套五箇著分賞此次出力員弁又一兩重銀牌一百面五錢重銀牌一百面分賞此次出力兵勇以示鼓勵現在劉渣鬍子一起餘匪百餘人分向巫山大甯遁逃德楞泰已派將弁並親自帶兵分路跟追自可卽日掃淨惟楚省尚有陳姓竄匪一起據稱吉林泰現在跟追兵力亦厚又有

慶成併力協勦等語但慶成現在腿被壓傷吉林泰帶兵不能得力恐皆不足深恃德楞泰當派一二得力大員前往幫同搜捕德楞泰俟劉渣鬍子一股辦竣後再幫同額爾登保將陝省竄川及川境山內各零匪一律勦除淨盡方為不負委任又據奏撤出雲貴兵七百餘名現因四川省零匪未淨暫留搜捕等語自應如此辦理

二十五日

公奏言臣勦辦青號劉渣鬍子股匪督兵西進疊據富僧德蒲尙佐馬文斌等稟報該逆被勦祇賸二百五六十人馬二十餘匹乘夜北逃日行一百六七十里十一日卽竄

至大甯之石家溝屯紮十三日黎明被官兵趕上尾擊殺賊十二名生擒五名遂向下古坪而逃十三日探得賊至四人頭分爲兩起一走羊頭老林一向磨刀溪官兵分追趕馬文斌帶兵進羊頭老林內勦殺尾賊十六名生擒九名該逆逃至白果園合夥又竄往左家山楊柳池老林我兵追上賊尾殺賊十七名生擒六名訊據供稱賊匪因官兵急追不能擄掠連日將所贍驃馬宰殺燒割充飢沿途逃散不少現在不過一百六七十人驃馬全無手中多無器械說要鑽進大甯太平老山躲避等語查賊匪現竄之楊柳池中通竹山之順水溪左通梨子坪張公橋右通

大甯之雙橋子大小禾田小溪均係懸巖小道馬不能行

馬文斌余陞等分帶奮勇步隊

林批可嘉

緊躡賊蹤富僧德蒲尙佐

等帶兵抄出竹山之梨子坪扼住楚界兜勦又接豐紳來

信督同遊擊陳龍驥晉之連傅廷標等挑帶兵勇八百餘

名自徐家壩分路由後坪雙橋子神虎坪九龍頭探蹤迎

剿等情查此起賊匪祇牘百數十人其勢實已窮蹙惟因

老山艱險連日陰雨未能掃除殊爲憤憾又據副將馬元

遊擊劉彪稟報連日在大甯趕追曾芝秀一股餘匪至梯

子溝探得祇有七八十人適值辦理團練之縣丞楊沛雲

帶領團勇三百餘名前來搜捕探知賊匪在乾溝一帶恐

其北竄因卽扼據險隘馬元督兵趕到將近賊巢拏獲賊匪王國儒訊稱曾元帥在內兵勇聞知無不踴躍爭先時有一持大刀賊匪率領三四十人舞刀壓下砍折兵勇矛桿七八根陣亡兵勇六名藍翎守備周志林見其兇悍愈加痛恨帶領兵勇搶上兵丁吳國棟鄉勇湯貴不避鋒鏑奮力衝入又有鄉勇李世魁陳良才王文連等蜂擁前進周志林吳國棟湯貴首先刺倒持大刀之賊兵丁張福帥貴鄉勇楊昌太朱文俸等又將執紅旗之賊戳斃殺賊十餘名生擒十六名訊據獲犯僉稱持大刀之人係元帥曾芝秀左額有黑痣兩手指極長可以辨驗執紅旗之賊係

大旗手張打撈當卽割取首級驗明均與衆供無異因離

營太遠將活賊十七名並曾芝秀首級及手兩隻送交開

縣訊明轉解稟報現仍分兵徧搜零匪由謝家壩採勦東

來各等情

臣

查曾芝秀最爲著名首逆踪躡陝甘川楚之間已經數年去夏

臣

追勦樊人傑及該逆等至平口河時

值水漲該逆被勦無路撲河衝去旋經兵勇搜獲逸匪楊

本明姚文偉二名一供與曾芝秀衝下淺灘同得上岸分

逃一供未見

臣

以疑信難憑當經

奏明在案距該逆惡貫滿盈神人共憤茲得以仰仗

天威殲除盡絕亦足洩衆忿而快人心前據開縣訊驗明確轉解

來營

臣已覆查無異頃接馬元等稟報打仗情形其首先

出力之人實爲奮勇可嘉查賞格內殲斃首逆曾芝秀者
給銀一千兩現在賊勢衰殘如仍照前陞賞未免過優守

備周志林原戴藍翎應懇

天恩賞戴花翎新兵吳國棟鄉勇湯貴酌賞銀二百兩外應懇

恩均賞戴藍翎以千總把總卽用其餘幫同剿殺之兵勇李世魁
等七名亦酌賞銀二百兩以示鼓勵又查太平山內總兵
田朝貴所追湊聚零匪三百餘人陸續雖有斬擒總未盡
絕根株茲聞該逆出山東遁又被田朝貴由分水嶺抄出
尖山壩截向西逃是又奔向東開山內查馬元殲斃曾芝

秀後分兵搜捕零匪已帶兵出山由南埡場東南而來正可探迎此股賊匪截勦臣現又飛飭馬元等卽協同田朝貴等相機辦理又遵查二塘埡地方零匪一起臣前據防

堵巫山之總兵張績稟報遊擊馬明德追至土門子遇伏陣亡弁兵內亦有傷亡者經張績帶兵往援賊隨翻山東竄訊據獲犯係青號劉渣鬍子爲首與黃白藍各號零匪湊合之賊據此供詞其非鄉勇已可概見又據總兵李天林稟報亦稱係川省餘賊劉渣鬍子爲首臣於川楚界上沿途查訊均稱該逆所用衣帽旗號一如官兵每過洞寨之時自稱鄉勇各洞寨疑信相半直至初十日臣兵至巴

巫交界之老鴉寨高坪痛勦時獲其僞先鋒熊富始據供稱假充官兵屬實臣思鄉勇一項遣散者不下萬人卽或實有滋事之徒惟當照賊一律勦辦而二塘壩滋事實非鄉勇若以謠言過於聲張反恐起其疑畏吳熊光前據將領稟報哨探未確總之此時無論賊匪未淨以及鄉勇不法皆屬臣等應辦之事惟當隨宜督辦不敢疎懈

諭曰劉渣鬍子一起竄匪前經德楞泰督兵痛勦祇臘二百餘人此次復派令鎮將分投緊躡兜勦現在不過一百餘人覓路狂奔看來賊勢已極窮蹙現有富僧德等兩路官兵奮勇兜追又有豐紳派出之遊擊陳龍驥等所帶兵勇自西而來兩面夾擊

自可卽日洗淨至曾芝秀餘匪先經馬元劉彪追至梯子溝適遇辦理團練之縣丞楊沛雲帶有團勇扼住馬元等兵勇趕到該犯舞刀壓下經守備周志林帶領兵勇搶上山梁兵丁吳國棟鄉勇湯貴奮力衝入兵勇李世魁等蜂擁前進周志林吳國棟湯貴首先將該犯刺倒兵丁張福等又將執旗賊目戳斃德楞泰查驗曾芝秀首級屬實副將馬元遊擊劉彪均著咨部議敘縣丞楊沛雲著以知縣卽用藍翎守備周志林著照所請賞換花翎外仍加恩賞給都司職銜先換頂戴遇缺補用兵丁吳國棟鄉勇湯貴著照所請賞戴藍翎以千總把總卽用除業經賞銀二百兩外仍再加賞銀二百兩其幫同勦殺之兵勇李世

魁等七名業經賞銀二百兩亦著再加賞銀二百兩分給祇領以示獎勵現在著名首逆俱已殲淨惟齊國典一名亦係著名之賊諒無難採蹤弋獲此時田朝貴所追零匪奔向東開山內人數較多德楞泰將劉渣鴉子一起趕緊辦完後卽當親帶大兵督飭田朝貴等將東開山內餘匪剋期搜盡又據奏查明巴東二塘亞賊匪假扮官兵並非鄉勇此股賊匪冒充鄉勇前吳熊光據糧員稟報率行人奏原屬冒昧旋亦查明據實奏聞茲德楞泰已將此股賊匪殲擒殆盡查問得實其所論賊匪中卽有鄉勇附入總當照賊辦理若過於聲張反恐致其疑畏等語所見甚是與朕前降諭旨相合鄉勇遣散之後原難保其盡能

安靜守法如有一二不安本分之徒但當就案辦理不必追問
其曾充鄉約與否將來搜捕全竣不妨於會奏嚴功後酌留兵
數千名分地駐劄以資彈壓俟地方情形實在甯謐再全行凱
撤方爲妥善

二十八日

公奏言劉渣霸子北竄大甯楊柳池之後

臣

於十一日又

接富僧德等稟報官兵追賊至彼馬不能進參將馬文斌
等分帶步隊兵勇緊躡賊蹤富僧德蒲尙佐等帶領馬步
兵勇抄出竹山之梨子坪扼截該逆竄至老木孔又與另
起零匪六七十人合夥富僧德等趕上賊尾殺賊十一名

生擒五名該逆等分爲三起一起百餘人翻山向張公橋
梨子坪北遁一起五六十八折回巫山西走大昌之龍湊
子一起八九十人西走大甯之香沖向加當灣老山而遁
訊得梨子坪北竄賊匪卽係劉渣鬍子當令參將馬文斌
藍翎千總周應龍冉玉龍仍帶前次挑出假扮教匪之兵
勇二百名跟蹤尾追其西走香沖之賊被豐紳督兵在冷
風槽厚朴山勦殺殲賊五名生擒三名又派遊擊傅廷標
帶兵六百名追勦其折回龍湊子五六十人派副都統銜
富登阿副將馬應國參將虎正林等帶兵勇五百名前往
勦捕所有翻山北竄之賊參將馬文斌等緊躡前進十五

日夜探得該逆屯於竹山之漆樹梁老梁等處馬文斌等
帶兵先往富僧德等帶同副將銜沈洪遊擊余陞協領穆
騰額等率領馬步兵勇漏夜進發山徑崎嶇黎明始抵該
處遙見山梁有一人望哨藍翎軍功胡超隻身由老林無
路處先行繞上立將該匪擒獲詢問賊情據稱元帥同三
四十人歇在埡口頭一所房子裏還有四五十人在前頭
屋裏等語當將該犯殺斃胡超暗招兵勇上山一齊撲入
賊巢所有屋外之賊聞聲逃逸富僧德等率同兵勇疾追
其房內之賊一聞官兵撲捕奔上山坡馬文斌帶領藍翎
千總周應龍冉玉龍率前隊兵勇二百名追趕殺賊八名

生擒六名胡超見有一賊身穿青綬羊皮馬褂細袍在彼
行走另有一賊回頭喊叫劉元帥快走上山胡超知是首
逆疾追六七里刺傷其腿該逆猶復力鬪鄉勇胡貴羅正
剛趕上幫同刺倒割其首級復又將叫喊之賊魏習惠生
擒其富僧德等追賊至屏風寨老林沿途殺賊十二名生
擒十名賊衆奔上山梁恃險抗拒推下亂石如雨兵勇冒
石仰攻兵丁張普鄉勇何大朝將一督陣之賊首先用矛
戳斃又殺賊四名生擒九名滾巖跌斃者十餘人餘賊四
散分逃祇賸三十餘人適豐紳亦派來遊擊晉之連帶兵
三百名跟追已由向家壩入川臣現又嚴飭各路官兵竭

力趕辦訊據獲犯魏習惠等供稱劉渣鬍子係東鄉人元年同徐添德起事係劉學書胞弟名叫劉學禮那一箇督陣的是劉總兵係老藍號管事頭目在老木孔合夥等語查此起夥聚賊匪自川入楚復又由楚竊回川連旬陰雨該兵勇等不憚艱苦疊次斬擒殲斃首犯似應量予獎賞所有戮傷首逆劉渣鬍子之藍翎鄉勇胡超除賞銀一百兩外懇

恩賞以千總卽用幫同戮斃之鄉勇胡貴一名懇

恩賞戴藍翎羅正剛一名懑

恩賞給七品軍功頂戴以上二名共賞銀一百兩其殺斃僞總兵

劉姓之兵丁張普懇

恩賞戴藍翎鄉勇何大朝懇

恩賞給七品軍功頂戴每名仍賞銀二十兩千總周應龍冉玉龍各賞給銀牌一面其所帶兵勇二百名每名各賞銀一兩用示鼓勵又探得總兵田朝貴在東開一帶所追之賊現又遁入大甯山內紅池壩土地埢一帶遊奕副將馬元與遊擊劉彪帶領兵勇由核桃壩進山與田朝貴併力勦辦馬元沿途搜捕在雲陽之螺絲巖殺賊三名生擒二名查刻下傅廷標所追之賊現在西竈與田朝貴所追之賊相距甚近而東面加當灣之賊諒亦就近合夥臣飛飭田朝

貴馬元傅廷標陳龍驥等務各竭力趕緊勦辦迅卽掃除
淨盡

諭曰此次劉渣鬍子等與另起零匪合夥各將領兵勇均能不憚
艱苦冒雨前進攻破賊巢擒獲首逆殊爲出力除業經賞給銀
牌銀兩外所有奮勇打仗之副都統富僧德參將馬文斌千總
周應龍冉玉龍俱著交部議敘其戳傷首逆劉渣鬍子之藍翎
軍功胡超鄉勇胡貴羅正剛及殺斃僞總兵劉姓之兵丁張普
鄉勇何大朝等均著照所請加恩用示獎勵此時劉逆餘匪及
分起逃竄之賊俱有鎮將督兵追緝德楞泰自應嚴飭各路上
緊搜除著名首逆雖疊經殲盡尙有齊國興一犯安知此外不

有未經著名之人卽如吳熊光奏劉逆一起內尙有楊大刀名
目此次摺內未經提及是否實有此人抑係尙在逃竄務須查
明下落上緊擒獲以絕根株

三月初九日

公奏言竊臣前派富登阿馬應國追勦宋逆餘匪據報由
楊溪河向龍湊子帶兵前進行至大堰塘探得該逆五六
十人現在張家觜巴霧河一帶卽分兵三路趕抵該處乘
霧衝殺立斃賊十餘名生擒八名撲河淹斃者十數名尙
有過河餘匪三十餘名向牯牛窖東奔有折竄楚界之勢
又據總兵田朝貴稟報分派遊擊薛陞守備張應錫等各

帶兵勇追勦苟朝九賊匪張應錫等兵至簸箕園探有零
匪屯於八百溪老林帶兵圍勦殺斃賊二名生擒十四名
遊擊薛陞等探得分竄賊匪五六十人由遮羅盤而來亦
帶兵迎勦殺賊二名餘匪向西北官棚子十二亞遁去訊
據獲犯供稱係黃號王國賢曾芝秀餘匪查出僞先鋒陳
正明僞總兵羅朝興二名戰手姜勝等八名當卽分別正
法又據該鎮稟報該逆先分二起奔竄近又在團城合夥
共有三百餘人向大亞口南遁現仍緊躡追勦又據富僧
德蒲尙佐等稟報帶兵進山分路由安栗壩後溪河而進
採得遊擊傅廷標所勦劉渣鬍子賊匪百餘人由大甯紅

池壩東南奔竄二十五日屯於吳家壩富僧德等乘霧進
勦殺賊十餘名獲賊六名賊向鹹水壩奔逃現在帶兵截
勦又據副將馬元遊擊劉彪稟報有劉渣鬍子餘匪百餘
人在龍池壩山梁屯住馬元等帶兵進攻斃賊十數名生
擒五名拋棄竹桿長矛五十餘根餘匪翻山遁去其田朝
貴所追苟朝九等賊匪三百餘人總在大甯開縣太平三
屬老山之中朝東暮西官兵竭力勦捕擒斬無幾前飭副
將馬元遊擊劉彪等帶兵入山協同勦辦茲馬元等於勦
捕龍池壩餘匪後業已往田朝貴處會合勦辦其富僧德
等尾追劉逆餘孽臣又飭令趕緊窮追務期掃盡又有參

將祝廷彪截勦由陝入川之苟朝閣餘匪百餘人尙在川
陝交界之黃安壩大埡口一帶老林奔逃聞副將張瑗亦
已帶兵前往會同勦辦計三起零匪不過五六百名富僧
德田朝貴馬元張瑗祝廷彪等數路兵勇不下五千餘名
自必易於集事臣於適中之寶塔一帶爲各路策應可以
隨時兼顧又准經略額爾登保來信副將羅聲皋遊擊陳
弼所追之賊先後與由陝入川之賊合夥珠批合計尚有一千五百餘人共有六七百名
向通江之龍鳳埡改桑埡西奔恐其又復竄陝額爾登保
已由太平取道通江督飭勦辦此時兵合賊聚惟期早爲
廓清不致稽延鬆勁

諭曰此次田朝貴富僧德等分勦各起零匪斬獲不過數名至十數名不等並未痛加殲戮勦除一股而合計三省零匪爲數尚有一千五百餘人前此奏報歲功時祇稱各處零匪不過千餘節次殲擒已復不少何以賊數轉增可見前奏未盡確實而後起之賊諒亦不少前日提督穆克登布參將張明德等突遇伏賊衝出中矛陣亡而本日摺內又稱拋棄竹桿長矛甚多該匪等尙敢設伏戕害大員器械又俱齊備則伊等所稱賊勢窮蹙之語亦未可信現在兵力較之賊數相懸不啻十倍豈尙不敷勦辦看來額爾登保德楞泰等自馳遞黃摺之後俱不免以殘敗餘匪意存輕視而各路帶兵之員亦俱鬆懈以致久未歲事

延玩之極額爾登保德楞泰均著傳旨申飭試思去冬大功告
歲宣布中外自蒙古藩部以及新疆外域均已同深慶幸本年
秋間朕巡幸木蘭萬一遲至彼時蒙古王公俱來瞻覲仍復軍
書旁午籌筆靡甯汝等有何顏面成何事體乎如能將各匪悉
數殄除俾地方早就甯輯朕仍當加以懋賞儻竟心存自滿謂
朕恩無可復加不思迅勉歲事則予奪之權操之在朕彼時必
將伊二人加之嚴譴而經略參贊旣經懲治其餘各將領更難
曲全矣至苟朝九一犯係首逆苟文明之子必當搜拏務獲勿

使漏網

初十日

密諭曰額爾登保奏通籌現在三省情形一摺內稱搜捕事宜必
須與善後一同辦理如築城設營既可制賊奔逃並各處裁撤
鄉勇以及充當夫役之人又可以工代賑收養此項游民俟秋
間工程告竣兵民有以自衛數月之間即可將零匪搜盡等語
種種紕繆此必係輕聽浮言率爲此奏伊身任經略不思上緊
討賊乃干預地方事務實負委任因思德楞泰帶兵剿賊以來
從無此議論此次額爾登保所奏並未稱與德楞泰會商可見
意見不同但此等迂謬之言亦斷非額爾登保意見或竟係督
撫及不肖地方官因軍需不能報銷冀得藉詞延宕怨忿入奏
著德楞泰留心密訪此事究係何人主見並該經略平日愛聽

何人之語一併據實奏聞不可稍有諱飾至現在搜捕零匪是否尚有礙難辦理之處或額爾登保所奏未能詳悉德楞泰身歷戎行確有所見亦著據實陳明候旨遵辦

十九日

公奏言竊臣據田朝貴稟報該鎮由開縣之團城跟追苟朝九等賊匪該匪向大灣黃柏棚一帶奔逃當經督兵齊進二十六日趕至該處圍剿殺賊六名生擒二十二名查係黃白藍三號餘匪並無頭目在內該匪旋逃向開縣之滿月槽細沙溪一帶官兵追躡進攻殺賊八名生擒十名直至雞鳴寺又擒斬賊匪二十餘名現在該逆分爲三起

一起一百二三十人由滿月槽乾溪逃竄一起七八十人走大塘口熊坂磴一起三十餘名走火山新開場均卽帶兵分投趕追又差赴楚境哨探有賊匪一起一百三十餘人由房縣水田坪笑天龍兩處分竄均至竹山之南坪地方有合夥之勢卽係總兵吉林泰等所追之賊查現在祇有都司左位等帶兵二百名跟追賊衆兵單當卽飭派遊擊王國輔陳龍驥等帶兵勇五百名前往協勦其劉渣鬚子餘孽據富僧德蒲尙佐稟報在黃草坪花巖子趕上又殺賊十七名生擒十二名滾巖者數名餘匪六七十人四散分逃又王國賢餘匪據參將虎正林守備謝金章等稟

報在茅嶺老山被寨民陳國才等殺斃九名生擒七名遂
嚴跌死三名祇脫逃二名又差赴開太一帶哨探有由楠
木窖竄來賊匪百餘人南墾場竄來賊匪八九十人譚家
壩竄來賊匪四十多人三起合夥共約二百數十名均有
東趨之勢等語旋接額爾登保來信知穆克登布在亮埡
子陣亡此股賊匪係苟文明宋應伏等遺孽前經在南山
奔竄狡猾異常近又戕害大員實堪髮指茲旣東來必需
併力趕緊掃除庶可以洩衆憤現經勒保添派都司趙琴
帶兵勇五百餘名與田朝貴等合兵迎擊總共兵數不下
二千足敷勦辦是以臣又飛飭馬元仍協同田朝貴搜捕

自可得手至東北一帶近額爾登保來信副都統銜達斯呼爾岱所追川陝合夥之賊祇有四百餘人有欲走太平八臺山之語該逆如果東來臣卽當親帶官兵迎截與達斯呼爾岱等兩面夾擊以期一鼓集事頃又接豐紳來信苟朝閣餘匪一百餘人有南奔入楚之勢現在楊遇春已督同副將張瑗參將祝廷彪等跟蹤追躡至川北一帶零匪更屬無幾亦有總兵達自祥臬司劉清等勦撫兼施諒均可卽日淨盡

諭曰此次各路鎮將等沿途均有斬獲自二三十名至三四十名不等統計亦有一百數十人但閩摺內所敘各處零匪統計仍

不下一千二三百人並未稍有減少不解何故德楞泰當嚴飭
帶兵鎮將等各加奮勉上緊躡勦務於四月內一律辦盡德楞
泰受恩最重謀勇俱優不可不勉之又勉至各處賊數前次屢
經降旨諭令查明確實具奏雖該匪等四散竄匿固不能按名
而稽但據各路稟報亦不難約略查明得有總數何以摺內迄
未將總數敘明此後每次奏報總應將實在賊數聲敘毋得含
糊了事至所稱苟文明宋應伏等遺孽戕害穆克登布後又向
東逃必須先爲併力趕緊掃除等語所見甚是提督大員帶兵
搜捕必非一二二人所能戕害德楞泰當逐一究出動手戕害穆
克登布之犯共有幾名審明後於軍營鬪割剖心安設穆克登

布靈位致祭並擇賊之壯健剽悍受傷較輕者一二名解京在伊家墳營寸磔俾衆共知以抒公憤而慰忠魂

二十日

諭曰各路搜捕零匪日久未能竣事朕宵旰焦塵盼望奏報肅清乃數月以來賊數仍未減少昨據德楞泰奏到各路擒斬賊匪尙有一百數十名而額爾登保自初十日奏報後距今已閱一旬本日摺內所敘各路殲擒之賊祇有一二十名試思每隔旬餘奏報一次不過以斃賊無多敷衍聲敘似此日復一日究於何時始能辦淨卽如戕害穆克登布一股賊匪祇有八十餘人卽合之另股餘匪三十餘人亦屬無幾乃自李廷珍帶兵追捕

以來又有勒保所派之陳弼幫同探勦而德楞泰昨奏亦已飭
令馬元確探迎截數路兜圍兵勇共千餘名不啻十倍於賊猶
復任其分竄不能趕上殲除則田朝貴所勦之二三百人及達
斯呼爾岱所勦之四百餘人並楚境之二百餘人不能卽時勦
盡更不待言矣從前賊勢鴟張之時匪衆多至一二十萬首逆
賊目分路勾結均經額爾登保德楞泰以次殄除而此時搜捕
零匪轉半年不能蕪事伊二人素能奮勉朕固不疑其心存懈
弛但何以至今尙未辦竣如果實有難辦之故或因兵微過多
不敷調發或因帶兵員少不能得力或因糧餉短絀不能隨營
接濟以致單行不無停待伊等身任經略參贊此等情形皆當

早行陳奏著接奉此旨後卽將指出各條或此外尙有實在不能速竣之處均卽據實具奏不可稍有隱飾

二十一日

諭曰本日勒保奏到搜勦零匪一摺殲擒無幾並有賊匪散竄入山搜捕無蹤等語甚不成話朕宵旰焦勞因思從前賊股中著名首逆曾經懸立賞格購獲多名現在起事老教首雖已殄滅無存但零匪中如苟朝九等有名賊目率領餘衆在各處竄匿者尙復不少或兵勇等因見此時均係敗殘餘匪拏獲後不能得有重賞遂爾心存懈弛莫若再明立賞格出示曉諭無論官兵鄉勇紳士寨民等有能擒獲著名賊目一名賞銀一二百兩

如擒獲僞先鋒以及旗手矛手等賊目一名者賞銀自數十兩至一二二十兩有差統計零匪不過一千餘人如此懸賞購擒或兵勇等所有希冀爭先驅緝人思俘獻不難以次殄淨但必須訊明實係真賊方准給賞不可任聽妄行捕捉致啟誣陷仇殺之漸如有以假報真者仍加倍治罪其州縣及佐雜等員內有能設法擒捕賊匪數名先行記功若能擒捕數十名或有旗手僞總兵者亦准其送部引見以示獎勵有任賊潛匿放過者卽行參處各鎮將等旣督率官兵四路追剿而州縣及寨洞民人等又復隨處僨緝旣使賊匪四散竄逸均卽就地俘擒亦屬以逸待勞之計此朕思慮所及著額爾登保德楞泰再詳細斟

酌是否於搜捕有裨及有無窒礙難行之處卽據實具覆再據勒保奏稱伊感受潮溼現准暫赴綏定府城調治伊所帶官兵分隸各鎮將其與額爾登保相近者著歸額爾登保調遣與德楞泰軍營相近者著歸德楞泰調遣各就近將搜捕情形隨時報明經略參贊以專責成

二十四日

諭曰湖北境內節據該督等奏報僅有陳姓分起首夥二百餘人此時忽有陝匪三百餘人竄入房縣均屬真正矛手賊數又復增添營員又有傷損皆係額爾登保德楞泰督率將領勦辦不能就地殲滅任其竄逸楚境看來帶兵將領於馳遞黃摺之後

總不免心存大意卽如楊遇春向來帶兵最爲奮勉近日久未見伊打仗殺賊從前額爾登保派賽沖阿楊遇春在陝楚邊界防範彼時並無成起賊匪今忽有匪衆三百餘人竄至該處卽應就地剿盡或設法攔截不使遠竄何致任其闖入楚境伊二人實不能辭咎著額爾登保等查明伊等在平利一帶駐防有無疎縱情形至難民所供賊匪由大甯竄至兩扇門衝破陝省營卡向東奔到湖北該處旣設營卡卽有將領兵丁屯紮守禦並著查明係何營卡據實參奏現在此起合夥零匪計共有四百數十人爲數最多又係積貫陳賊必當上緊搜剿勿令蔓延雖有楊遇春慶溥呢瑪善等分路躡追恐兵力尙或不敷額爾

登保德楞泰一面選派得力將領前往疾擊並一面察看此起
賊匪距經略參贊大營何路較近卽酌分一人統兵親往督勦
以期迅就肅清

二十九日

公奏言

臣據遊擊王國輔陳龍驥都司左位等稟報楚境

賊匪一百餘人兵勇追至蒼蠅溝該處先有賊匪二百餘
人卽與合夥竄向長嶺一帶王國輔陳龍驥等帶兵截勦
探聞該逆屯於香爐山當於是夜四更時進兵圍剿賊知
官兵分路而來占踞山梁恃險抵敵兵勇仰攻斃賊十餘
名賊推放擂石堵擋我兵有帶矛石傷及陣亡者相持至

申刻忽然大雨傾盆雲霧瀰漫該匪由後山翻老林向黃龍尖下溪溝柳林店北遁又據總兵田朝貴副將馬元遊擊劉彪稟報苟逆餘匪五六十人由仰天窩走葛藤壩老林官兵分路進剿斃賊二名生擒八名餘匪奔通天蠻燭老林都司瞿心能帶兵由南溝抄截時副都統富僧德總兵蒲尙佐得信後亦卽帶兵自南而北取道五臺坪雪泡山進剿該匪知三處官兵分投抄擊又向蔥子坪老林而遁至劉逆餘匪已經富僧德蒲尙佐派千總周應龍冉玉龍等前往跟追在飛龍寨等處冒雨進剿斃賊數名周應龍等均受石傷富僧德蒲尙佐等又就近趕往堵剿賊知

官兵迎截奔上通天燭燭老林有馬元等一路官兵趕蹤追至槍箭齊發殺賊數名生擒五名賊匪敗上巖頂踞險抗拒擂石如雨兵勇帶傷者數名旋卽翻山逃遁馬元等仍緊躡追勦富僧德等正在遏截此股賊匪適另有賊匪百餘人由亮埢子翻筆架山竄來有陳弼李廷珍在後跟追距營五六里富僧德蒲尙佐等商酌無論何股均當遇賊卽勦遂分兵三路前往兜截賊匪竟敢分投抵敵我兵槍箭齊發立殺賊十四名生擒七名該匪一齊退踞山礮拋滾亂石相持至午該匪繞過山後老林奔竄我兵奮勇追又殺賊八名生擒十一名賊遂下河翻上對面山

坡兵勇追至半山忽報後路左邊林內有伏賊數十人突
出衝入鍋帳隊內隨營糧員四川嘉定府經歷花君弼被
賊戕害千總王玉林把總楊祿趕追楊祿殺賊二名忽被
旁賊截倒陣亡尙有陣亡受傷兵勇十數名王玉林頭受
石傷隨卽回兵接應賊匪始行敗逃兵勇趕殺五名活捉
六名該匪奔上龍洞山路徑陡窄飛石如雨官兵不能前
進雨霧之中相持直至申刻賊匪乘間翻楊家山與過河
之賊合夥向秀才口遁去官兵向高坪一帶抄截適遊擊
陳弼都司李廷珍並田朝貴馬元派來之都司高星文等
均各帶兵趕到會商後仍各分投追剿訊據獲賊供稱係

陳文海宋應伏股內餘匪前由陝西過川被官兵連次勦殺陳文海宋應伏不見了有探馬頭熊老八左丙兩箇帶領逃竄前在通江涼風埢打仗左丙把穆大人殺了就帶上紅頂子翎子帽子等語當將訊明積年戰手一概正法又接楊遇春來信副都統銜噶拉參將祝廷彪等帶領兵勇先後由竹谿之老莊子追剿初十日探有零匪一起由風竹槽竄後河林內相距三十餘里當卽分路連夜進剿三更後齊抵賊屯賊衆猝不及防當斃賊二十餘名生擒三十八名天明後又分投入林搜捕捉獲活賊十七名滾巖跌死及撲河淹沒者二十餘名獲賊內訊有僞元帥呂

宗明爲先鋒余用坤石定林大旗手黃興富四名戰手五十一名分別凌遲正法其苟朝閣餘匪探得已與慶溥等所追之賊合夥由北河口一帶狂竄仍札張瑗等竭力追趕等情臣查川省各起零匪總在太平大甯開縣交界老山之內旋轉奔逃卽田朝貴馬元所追之賊現亦遁入老林均皆窮蹙殘敗不過恃其路徑紛歧苟延殘喘如一得地勢即可立就翦除又據探報開縣山內零匪一百餘人現奔雲陽之高陽一帶此起賊匪非田朝貴馬元等勦辦苟朝九分股之賊卽係陳弼李廷珍所追賊匪現在大甯山內徧搜無賊臣已飛飭富僧德蒲尙佐等帶兵出山就

得其身立年譜卷二十一

四

近由雲陽之上三壩前往勦辦至前奉

諭旨飭查劉渣鬚子股內尙有楊大刀一犯

臣

於屢次獲犯內訊

問祇有探馬頭李添右帶領餘匪並未有楊大刀之名俟

再查明具奏現在天氣晴霽各起賊匪漸次出山

臣嚴催

各路趕緊搜勦儻楚匪稍稽時日斯時川省之賊勦辦無

幾可以分交鎮將等搜捕

臣珠此甚是

兵過楚督同各路官兵廓

清楚境則川省零匪亦可肅清

諭曰德楞泰摺內所敘各路追勦賊匪前後殲獲統計才有一百
數十名但各路兵勇俱有傷亡甚至官員中亦有陣亡者且賊
匪竟敢占踞山梁公然拒敵兼知設計埋伏圖劫官兵綏帳是

兇狡情形較前爲甚尙云賊匪窮蹙殘敗所言皆不確實在官兵等追捕賊匪自應奮勇上前斷無因畏避賊鋒稍爲觀望之理但於臨陣對敵之時仍當察看地勢偵探賊情加以慎重豈可冒昧輕進以致失利轉使賊匪漸形猖獗德楞泰當飭知各路帶兵之員於奮勦之中留心防範不得一味欲速未能計出萬全但不可有意遷延多稽時日再摺內有大甯山內徧搜無賊已飛飭富僧德等帶兵出山等語德楞泰但知川省大甯山內已無賊匪而不知出山之賊俱已竄入楚省昨據吳熊光奏到該省陳姓股匪內先有川匪一股由向家壩竄入竹谿與之會合又有苟逆股內張姓賊匪三百餘人由大甯之黃墩竄出

兩扇門衝破陝省營卡現在竹山房縣一帶奔竄本日德楞泰
摺內並未及張姓一股竄楚之賊可見德楞泰現在尙未知悉
此時川省之賊其百十爲羣者已少俱有鎮將跟追可敷勦辦
至現在楚省由川竄往之賊有三百餘人合之陳姓等一股賊
匪又一二百人共計有四五百人賊數較多勢尤兇悍德楞泰
酌量情形自當卽行親自帶兵過楚督同各鎮將將楚省之賊
痛加剿殺迅速辦完不可稽緩又摺內稱訊據獲犯供稱穆克
登布戕害之賊係探馬頭左丙著德楞泰密飭將弁兵勇於臨
陣時將左丙一犯嚴拏務獲如將該犯生擒卽著解京辦理如
或臨陣殲斃亦著割取該犯首級解京以便致祭穆克登布用

妥忠魂斷不可任令漏網